

1. **Fond Kantona Sarajevo za izgradnju i očuvanje grobalja šchida i poginulih boraca, memorijalnih centara i spomen-obilježja žrtava genocida (skraćeni naziv: Fond memorijala)**, sa sjedištem u Sarajevu, ul. Širokac 22, Stari Grad Sarajevo, koga zastupa direktor Zijadić Suad, prof. (u daljem tekstu: **Ugovorni organ**)
2. **Društvo za reviziju, računovodstvo i finansijski konsalting „RECONS“ d.o.o. Sarajevo**, ul. Azize Šaćirbegović b.b., Općina Novo Sarajevo, ID broj: 4201913250001, PDV broj: 201913250001, koga zastupa direktor Grcić Nedžad, dipl.oec. (u daljem tekstu: **Dobavljač**)

Zajednički naziv za **Ugovorni organ** i **Dobavljač** je **UGOVORNE STRANE**.

zaključili su u Sarajevu, dana 04.03.2019.godine

**UGOVOR**  
**o reviziji finansijskih izvještaja Fonda memorijala**  
**za period 01.01. do 31.12.2018.godine**

**Član 1.**

Ugovorne strane su saglasne da je predmet ovog ugovora usluga revizije finansijskih izvještaja Fonda memorijala KS za 2018.godinu, a sve prema Ponudi Dobavljača br. 2-15/19 od 21.02.2019.godine, koja podrazumjeva:

1. *Revizija elemenata finansijskih izvještaja i povezanih računa, koja podrazumjeva:*
  - Poslove sagledavanja potraživanja od kupaca i povezanih računa;
  - Ciklus nabavke i povezanih računa;
  - Ciklus zaliha i povezanih računa;
  - Novac i ulaganja;
  - Izabranih računa i nekretnina, postrojenja, ostalih stalnih sredstava;
  - Aktivnih i pasivnih vremenskih razgraničenja;
  - Usluge (ugovorene i izvršene);
  - Inventurnih razlika (viškovi-manjkovi stalnih i tekućih sredstava);
  - Finansijskih prometa (gubitka-dobiti), pokriće i način raspodjele.
2. *Revizija procedira nabavke i usklađenosti iste sa Zakonom o javnim nabavkama BiH:*
  - Analiza i kontrola zakonitosti i regulamosti svih učinjenih troškova i rashoda u odnosu na zakonske propise;
  - Analiza i kontrola zakonitosti i regulatomosti korištenja i raspolaganja novčanim sredstvima na svim bezgotovinskim računima i gotovinskim sredstvima u blagajni u odnosu na zakonske propise.
3. *Revizija podudarnosti:*
  - Kontrola nivoa usklađenosti sa određenim pravilima, politikama i zakonima.

**Član 2.**

Ugovorne strane su saglasne da netto vrijednost ugovora iznosi  
Vrijednost PDV-a iznosi

5.500,00 KM  
935,00 KM

Ugovorne strane su saglasne da ukupna vrijednost ugovora sa uključenim PDV-om iznosi

**6.435,00KM**

**(slovima: šest hiljada četiristotinetridesetpet i 00/100KM)**

### Član 3.

Ugovorne strane su saglasne da će Ugovorni organ platiti Dobavljaču vrijednost ugovora po izvršenoj reviziji i dostavljanju revizorskog izvještaja, a na osnovu prethodno ispostavljene fakture sa obračunatim PDV-om.

### Član 4.

Ugovorne strane su saglasne da je rok za izvršenje usluge: od 04.03. do 11.03.2019.godine, a rok za revizorski izvještaj: do 15.03.2019.godine.

### Član 5.

Dobavljač je obavezan pravilno čuvati i sačuvati sve interne radne dokumente u periodu od 3 /tri/ godine od revizije.

Dobavljač je dužan da obezbjedi da informacije i sva saznanja o poslovanju Ugovornog organa čuva trajno kao profesionalnu tajnu.

### Član 6.

Dobavljač će reviziju računovodstvenih iskaza i podudarnosti sačiniti profesionalno u skladu sa Zakonom o računovodstvu i reviziji i Međunarodnim standardima revizije.

### Član 7.

Ugovorni organ je dužan obezbjediti Dobavljaču: pristup knjigama, ispravama i dokumentaciji, informacijama i objašnjenjima neophodnim za obavljanje revizije.

### Član 8.

Ukoliko dođe do spora u realizaciji ovog Ugovora, strane će nastojati riješiti sporazumno, a u protivnom stvarno i mjesno je nadležan sud u Sarajevu.

### Član 9.

Ugovor stupa na snagu danom obostranog ovjeravanja i potpisivanja ugovora od strane ovlaštenih zastupnika ugovorenih strana.

### Član 10.

Ugovorne strane u znak razumijevanja i prihvatanja odredbi ovog ugovora, vlastoručno ga potpisuju.

### Član 11.

Ugovor je sačinjen u 4 (četiri) istovjetna primjerka i svaka strana zadržava po 2 (dva) primjerka.

ZA UGOVORNI ORGAN

DIREKTOR

Zijad  ad. prof.

Broj: 13-14-02-80/19  
Sarajevo, 04.03.2019. godine



DOBAVLJAČA

OR

 .oec

Broj: 3-17/19  
Sarajevo, 04.03.2019.